



滿洲名臣傳

十二下



內閣文庫			
函架	冊	號	類
三八	一六〇	二三〇五	漢書

內閣文庫			
冊架	冊數	函號	漢
二九〇	160 (24)	290 43	2300



非藏

士念其前此先聚來歸免削世職改隸正黃

族滿洲 世祖章皇帝時三遇 一 戈交 策文庫

恩詔晉爵至二等伯順治十一年幼子朗素

襲爵 世宗憲皇帝時追封明安為一等侯加號恭

誠明安之長子鼎煥初隨父來歸予三等輕

車都尉世職天命十一年隨征巴林部及札

魯特部天聰五年從征大凌河俱有功超進

南川名臣傳 卷十一

卷十一

三等男

賜號達爾漢和碩齊順治二年晉二等男七年卒子鄂齊爾襲爵由侍衛累官至領侍衛內大臣十四年卒

賜諡勤恪並祭墓如例明安之次子多爾濟亦隨父來歸予騎都尉世職尙郡主爲額駙天命十一年隨大貝勒代善等征扎魯特有賊人巴魯克竊馬遁多爾濟追及擒之尋隨征棟奎及克什克騰等處又隨征朝鮮並有

功天聰五年始設六部以多爾濟爲刑部承政理蒙古事六年以直

御前失儀又奉

命選取獵戶不當部議削世職

上特有之罰白金百兩八年八月從征明大同

上命前鋒統領圖魯什烏拜分率左右軍以多爾濟領中軍擊明搃兵曹文詔大敗其衆追至城下獲馬百崇德二年授內大臣並預

議政四年隨鄭親王濟爾哈朗畧錦州陣斬
三人獲馬三四六年

上征明駐師松山杏山之間多爾濟同丙大
臣宗室錫翰奉

命伏兵高橋明杏山兵千人以糧不濟潛遁
伏發敗之追至塔山斬獲甚眾尋以圍松山
時明搃兵曹變蛟率兵夜犯

御營多爾濟未及禦敵所領侍衛護軍巡守
不嚴議罪繫三日罰白金五百兩仍叙高橋

敗敵功晉爵一等男順治二年以多爾濟素
荷

太宗眷顧晉三等子五年卒弟綽爾濟襲爵
伊巴罕列傳

伊巴罕滿洲正白旗人姓格濟勒氏世居雅
蘭其伯父舒珠於天聰八年隨副都統薩木
什喀巴奇蘭征黑龍江有功予騎都尉世職
卒無子以伊巴罕襲伊巴罕初授三等侍衛
旋任刑部郎中兼佐領順治七年九年三遇

清史各目傳 卷一百一十二
恩詔晉世職至二等輕車都尉十八年署叅
領隨定西將軍愛星阿征明桂王朱由榔至
緬甸緬人執由榔以獻康熙十四年任護軍
叅領隨定南將軍希爾根討逆藩耿精忠至
江西偽都督易天錫據建昌府城伊巴罕率
兵進攻大敗賊旣而撫州賊悉趨援建昌伊
巴罕奮戰卻賊復擊敗偽將軍邵連登偽總
兵李茂珠等拒戰賊眾尋與護軍統領桑額
攻復新昌縣擒斬偽總兵朱一典及賊党無

算十五年擢正白旗蒙古都統隨安親王岳
樂討逆藩吳三桂擊敗其偽將軍頁國相等
復萍鄉縣十八年隨征南將軍穆占討三桂
孫世璠自衡州進征武岡賊將吳國柱以二
萬眾踞楓木嶺拒戰伊巴罕率本旗兵奮擊
大破之十九年擢前鋒統領二十二年遷
盛京將軍二十四年

召還仍授前鋒統領二十五年叙前隨征江
西湖廣軍功晉世職爲一等輕車都尉兼一

滿洲各臣傳 卷十二
雲騎尉後以年老乞休尋卒子蘇克住改襲
三等輕車都尉

瑪哈達列傳

瑪哈達滿洲正白旗人姓佟佳氏禮部承政
巴都哩之孫也康熙七年由叅領擢正白旗
滿洲副都統十二年冬吳三桂反
上以充州地當衝要

命瑪哈達率兵駐防以備調遣十三年正月
詔所轄兵及右翼察哈爾兵移駐安慶三月

耿精忠叛

詔瑪哈達移師杭州四月

命叅贊平南將軍賚塔軍務七月精忠僞都
督閻標等率賊萬餘自温州處州犯金華瑪
哈達同都統石調聲等禦擊於山村口追擊
至鄭家店三戰皆捷斬賊四千餘俘獲甚眾
十月僞都督葉鍾陳遙僞總兵周彪尹福等
分犯浦江蘭溪義烏等縣瑪哈達俱遣兵擊
敗之十一月僞都督徐尙朝率賊五萬犯金

華距城十二里結寨瑪哈達與台吉察琿都統巴雅爾摠兵李榮等分隊夾擊陣斬偽遊擊吳榮先等及賊兵萬餘時偽摠兵張元兆率賊二萬踞壽溪瑪哈達與巴雅爾李榮移兵進勦破賊營十有八斬元兆及賊兵三千餘十二月徐尙朝偕偽摠兵馮公輔踞積道山瑪哈達與摠兵陳世凱等乘霧進勦破其木柵賊皆潰竄招撫偽官百餘暨脅從之眾數千十四年正月督兵擊敗偽摠兵沙有祥

等於桃花嶺復處州府城三月偽摠兵連登雲偕徐尙朝沙有祥自温州窺處州距城五里列寨瑪哈達與察琿李榮陳世凱分兵往勦賊敗潰復奮兵追擊斬偽叅將陳克郭美才等獲旗幟軍械無算十五年八月擢杭州將軍是月康親王傑書統師進征福建瑪哈達與平南將軍賚塔由衢州率兵先驅敗偽將軍馬九玉等于大溪灘復江山縣遂驅仙霞關僞守將金應虎率眾降大軍進復建寧

滿洲名臣傳 卷十二
延平耿精忠歸順瑪哈達還駐杭州叙功予
三等輕車都尉世職二十三年

召還京授正白旗滿洲都統二十六年以咨
補旂員徇情滋弊罷任革世職遣往黑龍江
効力贖罪二十八年九月卒

多爾濟達爾罕列傳

多爾濟達爾罕姓博爾濟錦氏世居翁牛特
爲察哈爾部大臣天聰八年

太宗文皇帝征明大同凱旋出尙方堡二十
里駐營多爾濟達爾罕與察哈爾大臣噶爾
瑪濟農多尼庫魯克達遣三十人至奏言林
丹汗已死其子及餘衆不能守願率衆六千
人歸附

上遣使迎之遂各携族屬來歸分隸八旗多
爾濟達爾罕隸順黃旗蒙古

賜賚優厚崇德元年予一等男爵任都察院
承政三年更定官制裁部院承政各一員多
爾濟達爾罕改都察院承政六年

滿洲名臣傳 卷十一
上統師征明松山

授方畧與都統阿賚伊拜等截擊敵兵之奔入杏山者

命多爾濟達爾罕同承政阿什達爾罕往度善地以駐軍並察核斬敵多寡還報稱

旨尋擢內大臣仍兼任叅政七年七月上幸牧馬所

命內大臣侍衛與新降之明提兵祖大壽等核射獎賞有差多爾濟達爾罕得

賜脫一十月隨饒餘貝勒阿巴泰征明薊州至山東八年六月凱旋奏言自兗州班師之日右翼諸都統不遵貝勒期約離左翼軍先行迨出邊後乃會合幸賴

聖主威福敵人驚怖我軍縱橫如入無人之境雖前後不齊皆得全軍以還萬有一失悔之何及請論罰以警違令妄行者疏入詔停右翼軍賞賚

世祖章皇帝順治二年以多爾濟達爾罕素

荷

太宗眷顧加一雲騎尉四年考滿晉爵三等
子復擢都察院承政七年三月解都察院任
仍為內大臣尋列議政大臣三遇
恩詔晉一等子兼一雲騎尉九年解議政大
臣任十七年四月卒

賜祭墓如典禮諡順僖子博第襲爵

綽和諾列傳

綽和諾姓那木都魯氏世居東海窩集部父

明安圖巴顏與其族人康古哩等並為部眾
最繁歲庚戌

太祖高皇帝命巴圖魯額亦都往招明安圖
巴顏遂來朝

優賜金帛以還未幾綽和諾率百人來歸
上嘉其輸誠效順

賚予甚厚授綽和諾佐領隸滿洲廂紅旗自
是屢從

上征討每臨陣服綿甲奮勇直前所向披靡

滿洲名臣傳卷之十一

十一

歲辛亥隨額駙何和哩征呼爾哈部攻克扎
庫塔城天命四年擊明搃兵馬林於尙間崖
六年取瀋陽遼陽並有功予三等輕車都尉
世職嘗奉

命率兵駐防科木索地寧古塔有就善者殺
守吏率眾攜輜重遁綽和諾追及海濱斬就
善並殲其党

命以所獲輜重盡賚之

太宗文皇帝嗣位綽和諾列十六大臣任廂

紅旂副都統天聰五年大軍征明圍大凌河
城明監軍道張春搃兵吳襄等率兵萬餘自
錦州來援綽和諾先眾迎擊冒袍矢力戰歿
於陣

詔優卹其家晉世職爲一等輕車都尉無子
以其兄翁格尼襲職仍授佐領轄綽和諾所
屬人戶復益以新附呼爾哈百人八年因翁
格尼不勝佐領任以其子富喀禪代之並襲
世職富喀禪別有傳

富喀禪列傳

富喀禪滿洲廂紅旗人姓那木都魯氏父翁格尼一等輕車都尉綽和諾之兄也綽和諾無子翁格尼襲其職管佐領事富喀禪初任護軍校

太宗文皇帝天聰三年從征明敗敵大安口射殪二人五年從征大凌河擊明監軍道張春搃兵吳襄等衝入敵陣中創墮馬乃褻創步戰擧敵纛有護軍校瑤奎者臨陣墜馬富喀禪奮力直前援以歸入年從征明大同復中創仍偕眾奮進攻克敵寨是年因翁格尼不勝領任

命富喀禪代之卽以世職予襲崇德元年從征朝鮮有斬獲三年授工部理事官兼叅領隨豫親王多鐸征明寧遠敗敵中後所城西山崗

世祖章皇帝順治元年隨大軍入山海關擊走流賊李自成以功加一雲騎尉三年擢在

西安駐防總管時流賊劉文炳郭君鎮等劫掠延安慶陽四年三月富喀禪督兵征勦遇賊二千於邠州奮擊敗賊追虜之三木縣斬郭君鎮別遣遊擊胡來觀守脩徐國崇等追擒劉文炳於宜君縣之藍莊溝俘斬其党畧盡獲馬騾牛無算五年逆回米喇印丁國棟等據河州作亂富喀禪同總督孟喬芳遣兵攻圍逆回皆受撫而米喇印復叛據甘州富喀禪率兵進攻不下深溝高壘以困之賊出城來犯擊卻之斬級二百並殲其探樵者四百餘人旋令雲梯兵攻克其城米喇印潛遁爲我軍躡跡斬於陣丁國棟復與纏頭賊土倫泰等歸肅州亦爲副將馬寧張勇相繼勦誅六年叛鎮姜瓖踞大同其党連陷郡邑富喀禪遣協領根特泰領都敏赴援敗賊於猗氏縣擒僞監軍道衛登方七年復遣兵勦賊於合水縣斬賊渠劉宏才先後奏捷並得旨嘉獎三遇

恩詔晉爵至一等男

聖祖仁皇帝卽位改西安總管爲將軍富喀禪任事如故初李自成竄死其黨散處楚蜀至是餘孽劉二虎郝搖旗袁宗第等猶聚匿歸州興山間康熙二年富喀禪同總督李國英副都統杜敏等于十二月二十三日師次陳家坡奮勇勦殺賊遁入天地寨富喀禪等統兵追勦劉二虎勢窮自縊郝搖旗袁宗第夜遁復追至黃草坡大敗賊眾擒郝搖旗並

僞晉王朱宗漢等叙功晉三等子五年卒子穆成額襲爵別有傳

郭廷佐列傳

郭廷佐漢軍廂黃旗人先世居廣寧父熙載爲明生員

太祖高皇帝天命七年征明廣寧熙載率遼河西四堡兵民來歸授備禦分轄降眾守其地嘗擒獲逃卒五十人論功予三等輕車都尉世職崇德元年卒長子廷輔襲世職廷佐

其次子也由官學生授內院筆帖式
世祖章皇帝順治二年擢

國史院侍讀三年隨肅親王豪格征四川流
賊張獻忠六年隨英親王阿濟格征大同叛
鎮姜瓖是年遷秘書院學士十一年授江西
巡撫江西自明末洊遭兵亂水旱頻仍逋賦
甚多廷臣再疏請蠲緩以蘇民困得
旨俞允時土賊洪國柱繆我章等剽掠饒州
廣信間廷佐遣將往勦降之十二年擢江南

江西總督十四年疏言江南逋賦多至四百
餘萬兩宜分別官侵吏蝕民欠各爲一冊專
責石布政使按籍督催其新徵歲賦以左布
政使稽其收納則新舊牽混之弊可除至徵
收之各州縣衛各官舊例未完者輒予降調
官屢更易吏民益輕玩催科反無寔效宜令
戴罪留任催完又江南襟控九省商賈所聚
前者大軍經行以船載兵估船因觀望不至
宜如江西例官爲造船備用以蘇商困

上嘉其言深切時弊下所司議行十六年以
巡按衛貞元劾按察司盧慎言婪贓不職廷
佐不先劾奏及奉

旨詰問復巧言支飾部議黜罷得

旨葦職留任是年二月廷佐因巡閱江海密
陳海防機宜言海賊鄭成功擁眾屯聚海島
將侵犯江南而江省各汛兵數無多且水師
舟楫未備請調發隣省勁兵防禦疏下部議
以隣省亦需兵防守寢其事五月海賊陷鎮

江瓊扼瓜州遂犯江寧時城中守禦單弱會
副都統噶楚哈等從貴州凱旋率兵沿江而
下廷佐與駐防總管喀喀木邀入城共議擊
賊挫其前鋒獲舟二十餘偽印二賊首鄭成
功旋率賊眾逼城連營八十有三賊艘蔽江
分截要路廷佐與喀喀木等晝夜堅守檄調
各路步騎及水師俱至同諸將定計以滿洲
兵禦擊賊營而令綠旗兵從儀鳳鍾阜二門
出戰擒偽總統余新及偽總兵二次日廷佐

居守議以提督管効忠總兵梁化鳳等分水陸進擊大敗賊眾擒偽提督甘輝偽總兵張祿郭良玉焚毀賊艘五百餘賊之在鎮江瓜州者皆遁入海捷

聞得

旨嘉獎下部議叙尋兵部請議前此失陷所屬城邑罪

上以廷佐於失陷後能固守江寧擊敗逆賊命免議祇停叙功嗣復以失糾巡按王秉衡

劣蹟部議降調得

旨寬免十八年

聖祖仁皇帝卽位分江南江西總督爲二以廷佐任江南總督康熙四年復舊制廷佐仍兼督江西七年十一月以疾解任先是致仕大學士金之俊家居得匿名書于門詆其在朝居顯秩曾降流賊李自成之後以訴廷佐令有司窮治之旋以書有悖逆語疏

聞

上以廷佐窮治匿名書帖將株連無辜並
諭責之後違例妄訴俱下部察議八年正月
命削之後加銜廷佐於病痊起用日鐫二級
十三年逆藩耿精忠反福建總督范承謨遇
害
上授廷佐為福建總督廷佐受
命即奏言臣孫雖為精忠胞弟之壻然臣誓
不與逆賊俱生願力疾前驅殲除叛寇
上嘉之

賜鞍馬甲冑以寵其行時福建俱陷賊廷佐
至浙江隨康親王傑書駐金華十五年六月
卒

賜祭葬如典禮祀江南江西名宦

哈什屯列傳

哈什屯滿洲廂黃旗人姓富察氏先世居沙
祖旺吉努當
太祖高皇帝時率族屬來歸授佐領既卒長
子萬濟哈襲營佐領哈什屯為萬濟哈長子

清史稿卷一百一十二 列傳七十一 滿洲 哈什屯

初任前鋒校隸正藍旗

太宗文皇帝天聰時改隸廂黃旗授侍衛尋襲管佐領擢禮部叅政崇德二年同佐領喀愷等率兵分道征瓦爾喀俘獲甚眾三年

太宗親統師征喀爾喀部留守

盛京禮親王代善聞明總兵沈志祥欲率石城島兵眾歸附遣哈什屯招之志祥遂來歸是年重定官制改禮部副理事官六年大軍圍明錦州明撫督洪承疇率兵十三萬赴援

獲松山鎮守總兵曹变蛟乘夜率眾犯

御營哈什屯先眾并禦手腕中鎗仍裹創力戰却敵得

優賚白金及蒙古二戶

世祖章皇帝順治元年擢內大臣二年以勞績久著予騎都尉世職嗣以考滿並遇

恩詔晉世職至一等輕車都尉加一雲騎尉

七年五月列議政大臣七月睿親王多尔袞有疾哈什屯同議政貝子錫翰等往視睿親

王曰予有疾

上宜臨視又曰尔等毋以予言奏請既而
駕幸視之睿親王罪大臣等違令擅請降世
職爲騎都尉八年

世祖親政鑒哈什屯無罪降職
命復之兩遇

恩詔晉爵一等男初冷僧機與哈什屯同爲
內大臣冷僧機諂附睿親王及睿親王卒冷
僧機掄揚其功績因誣奏昔日兩黃旗大臣

謀立肅親王豪格事

詔下法司鞫詢集哈什屯及議政大臣巴哈
等質之盡得其阿諛誣陷罪狀肅親王之爲
睿親王所害也尙書鞏阿岱與都統和洛輝
等議殺肅親王子富綬哈什屯言王無滅嗣
之罪同巴哈力持不可事乃已至是
世祖封富綬爲顯親王和洛輝以党附睿親
王爲議政大臣蘇克薩哈所劾磔死鞏阿岱
與冷僧機朋比奸惡事覺

詔逮勒哈什屯亦質之鞏阿岱與冷僧機並
伏誅時鄭芝龍隸正黃旗授子爵其子鄭成
功踞海島寇掠福建哈什屯奉

命同內大臣遏必隆齎拜大學士范文程宜
諭芝龍導其招降成功芝龍因改隸廂黃旗
遣人往福建取其妻妾及幼子至京十年

詔以哈什屯宣力年久加一雲騎尉十二年
詔獎奉職恪勤諸大臣加哈什屯太子太保
十三年奉

勅使朝鮮鞫獄還奏稱

旨尋以年老致仕康熙二年卒年六十有六
賜祭葬如典禮謚恪僖子米思翰襲爵別有
傳乾隆元年孫大學士馬齊疏陳哈什屯勞
績得

旨入祀賢良祠十三年

冊諡

孝賢皇后

推恩先世追封哈什屯一等公十四年曾孫

大學士忠勇公傅恒經畧金川功成凱旋

詔視勲臣額亦都佟國維之例

賜建宗祠春秋致祭以獎忠勲祀自哈什屯

始

孫達哩列傳

孫達哩姓魯布哩氏世居葉赫

太祖高皇帝取葉赫籍其人戶分隸八旗孫

達哩隸正黃旗滿洲尋選充驍騎每隨征輒

奮勇爭先中創不退屢得

優資

太宗文皇帝崇德三年隨睿親王多尔袞征

明由青山口入邊越燕京轉戰至山東攻克

濟南府城明年四月凱旋先登功第一

賜號巴圖魯予二等輕車都尉世職兼管佐

領

世祖章皇帝順治七年授兵部理事官八年

遷護軍叅領三遇

恩詔晉爵至二等男十二年擢正黃旗滿洲

傳

三

都統十六年遷護軍統領先是流賊李自成
竄死其党散處楚蜀至是餘孽劉二虎郝搖
旂李來亨袁宗第等猶聚匿歸州興山間
聖祖仁皇帝康熙二年以都統穆哩瑪爲靖
西將軍都統圖海爲定西將軍統入旂兵赴
湖北會合陝西四川兵勦賊
命孫達哩領護軍以隨直抵茅麓山破賊巢
二虎來亨自經死括旂宗第就擒餘賊悉平
乃班師十二年

諭獎久著勞績諸大臣加孫達哩太子少傅
十四年四月卒年七十有三

賜祭葬如典禮諡果壯子杭書襲爵改隸廂
白旂

瓦爾喀列傳

瓦爾喀滿洲廂紅旗人姓完顏

太宗文皇帝天聰時任前鋒校每臨陣奮勇
爭先中創不退屢得

優賞崇德三年隨貝勒岳託征明由牆子嶺

入邊越燕京趨山東攻海澄克其城七年隨
饒餘貝勒阿巴泰征明由黃崖口入邊轉戰
至山東攻范縣眾皆俟雲梯登城瓦爾喀以
長鎗擊破城垣為禿先登克之

世祖章皇帝順治三年隨肅親王豪格征四
川屢擊敗流賊張獻忠兵斬級二十餘生擒
賊哨騎十人有護軍阿納海者為羣賊所困
攢刃將及瓦爾喀馳騎突前格殺二人援以
出五年隨副都統烏拉禪駐防大名攻勦土

賊於祁州及臨潼關並多斬獲是年叙征四
川功予雲騎尉世職三遇

恩詔游晉三等輕車都尉九年授工部理事
官十三年以董修

乾清宮成晉三等輕車都尉十五年

奉先殿成晉一等輕車都尉十六年署前鋒
叅領隨都統卓洛前鋒統領白爾赫圖等駐
防雲南元江土司那嵩既降復叛卓洛率兵
進勦瓦爾喀督雲梯兵攻克元江城

清江各目傳卷十二
聖祖仁皇帝康熙元年還京授叅領兼督捕
理事官五年遷駐防西安副都統七年擢西
安將軍十二年冬吳三桂反

上命瓦爾喀偕副都統佛尼埒率西安官兵
馳赴四川防守險隘十三年正月

上聞四川巡撫羅森提督鄭蛟麟搃兵譚洪
吳之茂等並叛附三桂因

諭瓦爾喀暨佛尼埒曰尔等久歷戎行素稱
諳諫朕可無西顧之憂大兵入蜀後吳逆傷

屬官兵有來降附者應密為防閑嚴設巡哨
整飭營壘至綠旂已叛官兵尔等相機招撫
便宜行之三月瓦爾喀至漢中聞叛賊譚洪
等已踞陽平關四十餘里於野狐嶺上下及
諸險隘並遣賊党迎拒瓦爾喀部署諸將分
兵三路奮擊潰野狐嶺賊隊並發其伏殲之
乘勝疾趨克復陽平關四月攻復七盤關五
月攻復朝天關先後奪壕毀寨擒斬賊眾萬
餘獲旂幟器械無算

上嘉其調度有方
命事平日議叙時賊眾堅據保寧我軍距城
十里鑿壕塹與相持久未下八月瓦爾喀疾
卒
賜祭葬如典禮諭袁敏立碑墓道十六年三
月議政大臣等追諭瓦爾喀進征保寧不乘
賊未設備時疾進既至復不簡精兵分守要
地致賊劫掠我兵眾又不以寔奏報應追
奪原官及世職削諡毀碑籍其家

詔免籍沒餘如議行

袁楚克固英列傳

袁楚克固英姓和勒依忒氏初爲察哈尔宰
桑

太宗文皇帝天聰六年察哈尔林丹汗聞我
軍往往窟奔土默特部其舊部人眾相繼潰
散八年

上征明大同凱旋出尙方堡二十里駐營袁
楚克固英率二百餘人同察哈尔宰桑德伸

濟旺等來歸分隸入旗袞楚克固英隸正紅
旗蒙古任叅領崇德元年五月予一等男爵
二年七月絲事降一等輕車都尉三年隨貝
勒岳託征明由牆子嶺入邊駐營明兵自密
雲來犯將薄我營袞楚克固英偕眾卻避論
罪應黜革籍沒

上念其率眾投誠功免罪止籍其牲畜分給
察哈爾大臣六年大軍圍明錦州明總督洪
承疇率眾赴援自松山連戰袞楚克固英整

兵破敵陣尋敵騎突犯廂紅旂汎地袞楚克
固英同副都統察哈爾模海擊卻之八年九
月隨鄭親王濟爾哈朗征明寧遠連敗敵馬
步兵

世祖章皇帝順治元年大軍入山海關擊流
賊李自成袞楚克固英與都統恩格圖合兵
奮戰敗賊二年叙功晉三等男三年隨肅親
王豪格征流賊張獻忠屢戰克捷六年隨英
親王阿濟格討大同叛鎮姜瓖薄城賊出犯

土默特營多楚克固英超援力戰中流矢破
於陣

賜卹如例晉爵二等男世襲罔替以其子垂
本襲

薩弼圖列傳

薩弼圖滿洲正白旗人姓他塔喇氏先世居
扎庫穆父沙津嘗

太祖高皇帝時率眾來歸授佐領薩弼圖其
長子也沙津卒代管佐領

太宗文皇帝天聰八年以克副任使予騎都
尉世職尋兼任叅領崇德四年隨承政薩木
什喀索海征瑚爾哈部師至黑龍江薩弼圖
俘獲丁壯百餘進攻鐸陳阿薩津二城敵兵
四百逆戰薩弼圖同佐領卓卜特等率兵九
十奮擊斬五十人餘眾潰走索倫部長博穆
博果爾以兵助瑚爾哈部抗拒我師薩弼圖
同副都統伊遜等設伏掩擊斬七十人五年
四月凱旋叙功加一雲騎尉七月隨大軍圍

明錦州刈其城西田禾敵由城西北隅出發
鎗砲拒戰薩弼圖偕眾衝擊敵卻走逐之抵
城壕復移兵設伏松山要路擊敗敵步兵旋
駐守駱駝山城敵兵二百來犯薩弼圖督兵
截擊盡殲之六年率兵薄錦州城駐營跨壕
作橋敵出樵採薩弼圖馳擊斬十人生擒九
人復斬其持弓矢者五人翼日城中出兵投
火粟欲焚橋擊之道旣而步騎至集欲奪壕
門薩弼圖迎斬二人敵潰卻時明總督洪承

疇據松山以馬兵夾劫我紅衣砲薩弼圖先
眾擊卻復偕眾步戰破敵步兵三營叙功晉
世職爲三等輕車都尉旋擢正白旗滿洲副
都統七年十月隨貝勒阿巴泰征明由界嶺
口毀邊牆入擊敗明總兵馬科轉戰至山東
以雲梯攻克平度州城

世祖章皇帝順治元年隨睿親王多爾袞入
山海關擊流賊李自成督後隊兵有功旣定
燕京同都統葉臣巴哈納招撫山西自成僞

將陳永福踞太原薩弼圖率兵圍城屢擊敗
出拒敵眾山西既平移師征陝西自成兄子
錦踞延安以賊眾迎拒薩弼圖七戰皆捷復
同前鋒統領錫特庫攻破自成賊寨叙功並
三遇
恩詔晉爵至二等男尋以年老致仕十八年
卒
賜祭葬如例子果里襲爵
博爾輝列傳

博爾輝滿洲正白旗人姓他塔喇氏副都統
薩弼圖弟也初以護軍校從征棟奎有斬獲
天聰三年

太宗文皇帝統師征明由龍井關入攻遵化
明總兵趙率教自山海關趨援博爾輝斬其
副將敵眾驚遁五年擢護軍叅領兼戶部叅
政從

上征明遇敵於寧遠斬其前隊七人八年從
征大同明兵三千自龍門迎戰博爾輝同

鋒忝領錫特庫佐領屋納等衝擊敗敵九年
四月同承政馬福塔賚

勅往諭朝鮮國王李侁以其報書還奏尋隨
大軍招撫察哈爾人眾由歸化城入明邊境
師旋殿後遇明右衛兵二百三十人邀襲我
師博爾輝率二十人奮擊卻之斬十人生擒
一人獲馬三時正藍旂軍士格巴庫為敵追
及幾被害博爾輝趨援乃得脫崇德元年叙
功予騎都尉世職三年裁忝政專任護軍叅

領

世祖章皇帝順治元年正月兼授刑部理事
官四月隨大軍入山海關擊敗流賊李自成
二年叙功晉世職二等輕車都尉旋署護軍
統領隨順承郡王勒克德渾征湖廣先是自
成敗竄其偽總兵馬進忠王進才歸順至是
復叛據岳州順承郡王師至武昌遣博爾輝
率兵往勦遇叛賊千餘掠臨湘整隊奮擊殲
殪畧盡直趨岳州進忠進才遁長沙博爾輝

滿洲老臣傳

卷十二

五

追敗其衆僞副將黑運昌以船二百迎降凱旋得

優賚五年授護軍統領列議政大臣叙征湖廣功並遇

恩詔晉爵二等男八年正月以舉發英親王阿濟格欲干政陰謀優叙三等子初睿親王多尔袞攝政以端重親王博洛敬謹親王尼堪理事專擅降爲郡王睿親王之卒於喀喇城也博尔輝與內大臣洛什並隨及還京皆

以王有遺言欲復端重敬謹兩郡王爲親王告知兩黃旗大臣拜音圖譚泰等旣而博尔輝私語兩郡王屬下人曰吾曾以睿親王遺言告兩黃旗大臣矣兩王之遷延不卽復爲親王也兩黃旗大臣寔阻之兩郡王具以所聞語兩黃旗大臣於朝曰此爲我輩造孽耳譚泰謂諸大臣曰若非兩王發彼之奸豈不令兩王仇我兩旗大臣而彼得遂其邀結之私乎遂共訴之鄭親王濟尔哈朗王具以

聞事下王公尙書等鞫以洛什與博爾輝擾亂國政蠱惑人心欺罔峻構應論死籍沒入奏奉

諭曰朕每聞刑人輒不忍姑宥其死何如諸王大臣覆奏奸惡之人不可復留於是博爾輝與洛什並伏誅

安珠瑚列傳

安珠瑚滿洲正黃旗人姓瓜爾佳氏先世居蘇完父阿喇穆任佐領

世祖章皇帝順治元年隨睿親王多尔袞入山海關擊流賊李自成力戰陣亡

恩卹如例予雲騎尉世職以其兄之子錫特庫襲尋卒安珠瑚襲三遇

恩詔晉世職至三等輕車都尉任叅領兼刑部郎中九年敬謹親王尼堪征湖南王至衡州率輕騎先進遇賊伏歿於陣安珠瑚時隨貝勒屯齊軍後至聞王戰歿突入賊陣得王屍以還十三年隨寧海大將軍伊勒德勤海

賊於丹山賊敗遁叙功晉二等輕車都尉十
八年隨靖東將軍濟什哈勦山東土賊于七
擒斬賊党甚眾
聖祖仁皇帝康熙六年擢寧古塔副都統十
五年增設吉林烏拉副都統調安珠瑚任之
時安珠瑚與寧古塔將軍巴海奏遷松花江
新滿洲扎努喀布克托等各姓戶口於所屬
境內編四十佐領令扎努喀等分轄其眾十
七年

諭獎巴海暨安珠瑚寔心任事撫輯新滿洲
戶口咸令得所下部議叙晉世職爲一等輕
車都尉兼一雲騎尉旋擢
盛京將軍十九年疏請裁金州巡檢改爲金
州營設守備千總等官以招徠民戶五百餘
丁選兵百分習騎射標鎗烏鎗又請於沿邊
展界二十餘里設柵隘口移兵防守疏並下
部議行二十一年

上詣盛京

滿洲名臣傳卷十二
巡行邊地見立界處枯骨多暴露者
諭安珠瑚徧察瘞之二十二年以疾乞休奉
旨安珠瑚自擢用將軍以來惟務邀譽沽名
於大員委任職掌毫無補益聞其每向人言
願來京師作部院文官爲人臣者苟能盡力
報稱文武本屬一體有何分別且去歲在圍
場與新任副都統通寶口角殊失官箴著革
退發往吉林烏拉効力二十四年授索倫摠
管二十五年卒部臣請以其子安什布襲世

職

諭曰安珠瑚因素有虛名用爲將軍前朕東
巡之時安珠瑚奏言臣所管官員兵丁皆藐
視臣朕雖知其庸懦無能止革去將軍仍授
爲索倫摠管終不改故輒不能約束所屬之
人且自服官以來並無宣力之處所行專務
沽名其世職著革去不准承襲

滿洲名臣傳卷十二終

滿洲名臣傳卷十二

七

日
本
問
所

日
本
問
所

天
保
三
年

